



Broj: UP-I-15-13-23/09
Datum: 16.04.2010. godine

Komisija za papire od vrijednosti Brčko distrikta BiH, rješavajući po zahtjevu emitenta: "IZGRADNJA" D.D. Brčko za vršenje usluga građevinskog zanatstva, ul. Petra Kočića broj 4, na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04, 42/04 i 28/07) u skladu sa odredbama Pravilnika o uvjetima i postupku emisije papira od vrijednosti ("Službeni glasnik Brčko distrikta BiH", broj: 3/08 i 34/08) i člana 187 Zakona o upravnom postupku Brčko distrikta BiH ("Službeni glasnik Brčko distrikta BiH", broj: 3/00, 5/02, 9/02, 8/03, 8/04, 25/05, 8/07, 10/07, 19/07, 2/08 i 36/09) na svojoj 108 (stotinu osmoj) sjednici održanoj dana 16.04.2010. godine, *donijela je*

R j e š e n j e

*o odobrenju emisije dionica zatvorenom ponudom
emitentu «IZGRADNJA» d.d. Brčko*

1. Odobrava se II (druga) emisija dionica zatvorenom ponudom ulozima u stvarima i pravima emitentu Dioničko društvo za vršenje usluga građevinskog zanatstva «IZGRADNJA» Brčko, ul. Petra Kočića broj 4 i potvrđuje da je emitent postupio u skladu sa odredbama Zakona o papirima od vrijednosti i Pravilnika o uvjetima i postupku emisije papira od vrijednosti.
2. Dioničko društvo za vršenje usluga građevinskog zanatstva «IZGRADNJA» Brčko na osnovu odluke o povećanju osnovnog kapitala broj: 131/09 od 31.03.2009. godine emituje novih 340.555 običnih dionica, nominalne vrijednosti 10,00 KM po jednoj dionici II (drugom) emisijom dionica zatvorenom ponudom ulozima u stvarima i pravima.
3. Skraćeni prospekt II (druge) emisije dionica zatvorenom ponudom ulozima u stvarima i opremi emitenta Dioničko društvo za vršenje usluga građevinskog zanatstva «IZGRADNJA» Brčko sadrži sve elemente utvrđene odredbama Zakona o papirima od vrijednosti i odredbama Pravilnika o uvjetima i postupku emisije papira od vrijednosti.
- ^{4.} 4. Ovo rješenje je konačno.

O b r a z l o ž e n j e

Po osnovu zahtjeva ZEHOV-ZP broj UP-15-13-23/09 emitenta „IZGRADNJA“ d.d. Brčko za odobrenjem nove II (druge) emisije dionica zatvorenom ponudom ulozima u stvarima i pravima i dostavljene dokumentacije uz zahtjev i po zaključcima Komisije, a koja se sastoji od: odluke o emisiji broj:131/09 od 31.03.2009 godine; ugovora sa Hypo Group alpe adria Bankom radi obavljanja depozitarskih poslova broj 014-11491/09; prijedloga skraćenog prospekta; finansijskog izvještaja za prethodnu - 2008.godinu; odgovarajućeg izvještaja ovlašćenog revizora –Revifin d.o.o Bijeljina; potvrde Nove banke a.d. B. Luka, Filijala Brčko broj:1265/09 od 17.08.2009.godine za poslove platnog prometa o stanju poslovnih računa emitenta za posljednjih šezdeset dana do dana podnošenja zahtjeva; dokaza o identitetu unaprijed poznatog kupca;izvještaja ovlašćenog procjenitelja; dokaza o vlasništvu nad stvarima i pravima i dokaza o uplati propisane naknade Komisiji; a u skladu sa članom 18. i 65. Zakona o papirima od vrijednosti i odredaba Pravilnika o uvjetima i postupku emisije papira od vrijednosti zauzet je stav kako je navedeno u dispozitivu rješenja i utvrđeno je da skraćeni prospekt sadrži sve elemente određene navedenim Zakonom i Pravilnikom.

Iz dostavljenih akata, dokumenata i isprava Komisija je utvrdila da je emitent postupio u skladu s članovima 9.-14. Zakona o papirima od vrijednosti i članovima 56.-73. Pravilnika o uvjetima i postupku emisije papira od vrijednosti čime su se stekli uslovi da Komisija odobri emisiju novih dionica emitenta, kako je navedeno u dispozitivu rješenja.

II (drugom) emisijom dionica zatvorenom ponudom ulozima u stvarima i pravima Dioničko društvo za vršenje usluga građevinskog zanatstva « IZGRADNJA» Brčko emituje novih 340.555 običnih dionica, nominalne vrijednosti 10,00 KM po jednoj dionici.

Tačka 4. dispozitiva rješenja zasniva se na članu 60. Zakona o papirima od vrijednosti, po kome su upravni akti Komisije konačni.

Pouka o pravnom lijeku:

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Predsjednik
Komisije za papire od vrijednosti
Brčko distrikta BiH

Mirsad Bešlagić, dipl.ecc

Dostavljeno:

1. „IZGRADNJA“ d.d. Brčko,
2. Evidenciji,
3. Arhivi.